

# GORALPENAK

(Aurtzaro bat ospatuaz)

Oi!. ba-dot zioa zu goraltzeko!  
Ene bekokia esku larupean,  
ene bekokia, oroitzen al zara  
gaualdiko izerdiakin?

Gau-erdian sukarrez utsal  
eta aren ur-osin usaiñarekin?

Eta egunabar urdiñaren lorak  
goizaren lats gaiñean dantzari,

Ta eguerdia euli haizen ozena  
ta margozko itxasoak jaurtitako geziak?

Oi!, ba-dot zioa zu goraltzeko!  
Ba-zan kai bat musikadun  
ontzi masta jagiena.

Ba-ziran taketezko konkorrak,  
basoetako igali dirditsuak.

Baiña, nun dira orain kaian egozan  
musikadun ontzi masta jagiak?

Palmadarrak... Orduantxe  
siñiskorrango zan itxasoa,

joan-etorri ikusgaitzez sarritua,  
zeru antzo maillatua baratzen gaiñez,

urre-arnariz ase, arrain more ta txoriz.  
Orduan, usainki txeratsuagoak,

arroenak gaillurretaraiño eltzerakoak,  
beste aldi bateko arnas au eben aldarrikatzen;

eta argi-ontziaren sorginkeriz bakarrik  
ene aitaren baratzean —oi irudikizunak!—

koskol ta iskillukiz aintzatsu,  
ludi naasi ta bestelakoa zan lilluratzen.

(... oi, ba-dot zioa goraltzeko!  
oi, alegi jori emokorra,

edo ugaritasunaren mai eztia!)